



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 1, 74260 Tešanj E-mail: sajda.klepica@opcina-tesanj.ba	Godina LVIII - Broj 1 Ponedjeljak, 02.02.2026.godine T E Š A N J	ŠTAMPA: Općina Tešanj Priprema: Sajda Ahmić, Tehnički sekretar Vijeća "Službeni glasnik" izlazi po potrebi
--	---	---

Na osnovu člana 17. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 45/25) i člana 14. Statuta Općine Tešanj ("Službeni glasnik općine Tešanj", broj 11/07) Općinsko vijeće općine Tešanj, na prijedlog Općinskog načelnika, na svojoj 16 redovnoj sjednici, održanoj dana 29.01.2026. godine, donosi

ODLUKU

o odobravanju kreditnog zaduženja JP Rad d.d. Tešanj i davanju garancije Općine za kreditno zaduženje kod Razvojne banke Federacije BiH

Član 1.

Ovom odlukom odobrava se kreditno zaduženje JP Rad d.d. Tešanj kod Razvojne banke Federacije BiH iz kreditne linije za finansiranje investicionih projekata općina, gradova, kantona i Federacije BiH i davanje garancije iz Budžeta Općine Tešanj za realizaciju istog.

Član 2.

Kreditno zaduženje i garancija iz člana 1. ove odluke će se realizovati za potrebe rekonstrukcija ACC (azbestnocementni) cjevovoda od rezervoara Jevadžije do rasteretne komore Bukva i izgradnje novog rezervoara Krndija, općina Tešanj.

Član 3.

Kreditno zaduženje iz člana 1. ove odluke realizovat će se pod slijedećim uslovima:

- Iznos kredita i garancije po kreditu 1.000.000,00 KM,
- Rok otplate 10 godina,
- Grace period 12 mjeseci,
- Rata kredita 9.259,00 KM,
- Nominalna kamatna stopa 2,9%,
- Efektivna kamatna stopa 3,04% i
- Naknada za obradu zahtjeva jednokratno 0,5%

Član 4.

U svrhu redovne otplate kredita Općina Tešanj je saglasna da se Razvojna banka Federacije BiH, u slučaju neispunjenja preuzetih obaveza, bez upozorenja, direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Općini Tešanj. Općina Tešanj će izdati bjanko potpisane i ovjerene mjenice sa ovlaštenjima za popunu, u skladu sa ugovorom koji će biti potpisan, po uslovima iz člana 3. ove Odluke, između Razvojne banke Federacije BiH i Općine Tešanj.

Član 5.

Sredstva cjelokupne garancije bit će planirana u budžetima Općine za period povrata cjelokupnog kredita prema uslovima iz člana 3. ove Odluke.

Član 6.

Garancija iz člana 4. ove Odluke će se primijeniti i realizovati po sticanju uslova, odnosno po dobijanju saglasnosti od strane Federalnog ministarstva

finansija, sa ažuriranjem Programa javnih investicija FBiH / ZE-DO kantona po IP obrascu za projekt.

Član 7.

Za izvještavanje i realizaciju ove Odluke zadužuju se Općinski načelnik i Služba za finansije, privredu, komunalne i inspeksijske poslove Općine Tešanj.

Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj:01- 02-3-47-2/26

Datum: 30.01. 2026. godine

Na osnovu člana 17. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 45/25) i člana 14. Statuta Općine Tešanj ("Službeni glasnik općine Tešanj", broj 11/07) Općinsko vijeće općine Tešanj, na prijedlog Općinskog načelnika, na svojoj 16. redovnoj sjednici, održanoj dana 29.01.2026. godine, donosi

O D L U K U

o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH

Član 1.

Ovom odlukom odobrava se kreditno zaduženje JP Toplana d.d. Tešanj kod Razvojne banke Federacije BiH iz kreditne linije za finansiranje investicionih projekata općina, gradova, kantona i Federacije BiH i davanje garancije iz Budžeta Općine Tešanj za realizaciju istog.

Član 2.

Kreditno zaduženje i garancija iz člana 1. ove odluke će se realizovati za potrebe rekonstrukcija vrelovoda PBS Banka -Bolnica (Šaht Š-1) u dužini

318 m DN200 i rekonstrukcija vrelovoda Bolnica (Šaht Š-1) do Mesnica Čauš (Šaht Š-4).

Član 3.

Kreditno zaduženje iz člana 1. ove odluke realizovat će se pod slijedećim uslovima:

- Iznos kredita i garancije po kreditu 300.000,00 KM,
- Rok otplate 5 godina,
- Grace period 12 mjeseci,
- Rata kredita 6.250,00 KM,
- Nominalna kamatna stopa 2,9%,
- Efektivna kamatna stopa 3,12% i
- Naknada za obradu zahtjeva jednokratno 0,5%

Član 4.

U svrhu redovne otplate kredita Općina Tešanj je saglasna da se Razvojna banka Federacije BiH, u slučaju neispunjenja preuzetih obaveza, bez upozorenja, direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Općini Tešanj.

Općina Tešanj će izdati bjanko potpisane i ovjerene mjenice sa ovlaštenjima za popunu, u skladu sa ugovorom koji će biti potpisan, po uslovima iz člana 3. ove Odluke, između Razvojne banke Federacije BiH i Općine Tešanj.

Član 5.

Ovlašćuje se Općinski načelnik da nakon realizacije kreditnog zaduženja posebnim sporazumom sa JP Toplana d.d. Tešanj definiše način vraćanja dijela kredita iz budžetskih sredstava do visine od 50% ukupne obaveze iz kreditnog zaduženja.

Sredstva cjelokupne garancije, koja uključuje i preuzeti dio obaveze do 50% sredstava ukupnog zaduženja, bit će planirana u budžetima Općine za period povrata kredita prema uslovima iz člana 3. ove Odluke.

Član 6.

Garancija iz člana 4. ove Odluke će se primijeniti i realizovati po sticanju uslova, odnosno po dobijanju saglasnosti od strane Federalnog ministarstva finansija, sa ažuriranjem Programa javnih investicija FBiH / ZE-DO kantona po IP obrascu za projekt.

Član 7.

Za izvještavanje i realizaciju ove Odluke zadužuju se Općinski načelnik i Služba za finansije, privredu, komunalne i inspeksijske poslove Općine Tešanj.

Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Amir Kurtić, s. r.****Broj:01-02-3-3275-2/25****Datum: 30.01. 2026. godine**

Na osnovu člana 36. i 37. Zakona o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) i člana 14. Statuta Općine Tešanj ("Službeni glasnik Općine Tešanj" broj:11/07) Općinsko vijeće Tešanj na svojoj 16.sjednici održanoj dana 20.01.2026. godine, donijelo je

**O D L U K U
O IZMJENAMA I DOPUNAMA BUDŽETA
OPĆINE TEŠANJ ZA 2026. GODINU****Član 1.**

U Budžetu Općine Tešanj za 2026. godinu ("Službeni glasnik Općine Tešanj" broj:12/25) u članu 2. mijenja se:

1. U tabeli Rashoda i izdataka sa povratom sredstava finansiranja mijenjaju se slijedeće budžetske pozicije:
 - U okviru grupe „IV Kapitalni grantovi (transferi) i izdaci“, podgrupa „1. Podrška projektima drugih izvora i utrošak namjenskih sredstava“ budžetska pozicija „**Podrška projektima proizašlim iz realizacije projekta izgradnje autoputa na koridoru Vc**“, ekonomski kod 615311/821600, funkcija 0485/0111, se umanjuje za 40.000,00 KM, tako da sada iznosi 580.000,00 KM.
 - U okviru grupe „V Povrat sredstava finansiranja“, pozicija „**Rezervisana sredstva za garancije date D.D.**

Toplana Tešanj“ se mijenja u nazivu u poziciju „**Rezervisana sredstva za garancije date JU Toplana d.d. Tešanj i JP Rad d.d. Tešanj**“, ekonomski kod 823511, funkcija 0111, sa uvećanjem sredstava od 40.000,00 KM, tako da ukupna sredstva sada iznose 40.000,00 KM.

Uvećanja i umanjenja stavki na pojedinačnim pozicijama u okviru tabele, se evidentiraju i na nivou grupa i podgrupa, tako da se koriguju u cjelini i po pripadajućim iznosima.

Član 2.

Ova Odluka stupa na snagu objavljivanjem u "Službenom glasniku Općine Tešanj", a primjenjivat će se na budžetsku 2026. godinu.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Amir Kurtić, s. r.****Broj: 01-11-1-3147-8/25****Datum: 30.01. 2026. godine**

Na osnovu člana 50. stav 2. Zakona o prostornom uređenju igradenju ("Službene novine Zeničko-dobojski kanton", broj: 1/14), člana 132. Odluke o provođenju izmjena i dopuna prostornog plana općine Tešanj ("Službeni glasnik Općine Tešanj", broj: 7a/09) i člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Općine Tešanj, na svojoj 16. sjednici, održanoj dana, 29.01.2026. godine, donosi:

**O D L U K A
O izmjeni Odluke o lokacijama groblja-mezarja
na području općine Tešanj****Član 1.**

U Odluci o lokacijama groblja-mezarja na području općine Tešanj ("Službeni glasnik općine Tešanj broj: 5/21) u članu 5.briše se dio teksta koji glasi:

„Odredbe ove Odluke za mezarje locirana na parceli broj: 560/1 K.O. Kraševo će se primjenjivati nakon

usaglašavanja upravitelja mezarja i vlasnika susjednih parcela“.

Član 2.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-02-1-253-2/26

Datum: 30.01.2026.godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Informaciju o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2025. godinu,, donijelo sljedeći

ZAKLJUČAK

Prima se na znanje Informacija o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2025. godinu,

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-03-1-85-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Informaciju o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2025. godinu,, na prijedlog vijećnika Dujsić Amira, donijelo sljedeći

ZAKLJUČAK

U naredna tri mjeseca, u saradnji sa JZU Dom zdravlja Tešanj i Općom bolnicom Tešanj, organizovati preventivnu akciju testiranja vijećnika u Općinskom vijeću Tešanj u cilju prevencije i borbe protiv zloupotrebe opijatnih sredstava i narkotika.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-03-1-85-3/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o radu Općinskog vijeća za 2025. godinu, na prijedlog vijećnika Handžić Hasan, donijelo sljedeći

ZAKLJUČAK

Da se u budućim Izvještajima o radu Općinskog vijeća uvrsti i dio u tabeli koji tretira odgovore na pitanja i inicijative kao i činjenicu da li su inicijative prihvaćene.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-1-90-4/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o radu Općinskog vijeća za 2025. godinu, na prijedlog vijećnika Rošić Jakuba, donijelo sljedeći

ZAKLJUČAK

Odluku o naknadama za rad u Općinskom vijeću Tešanj potrebno je dopuniti odredbom da oni koji napuste sjednicu iz neopravdanih razloga, i kažu da

ne žele učestvovati u radu Općinskog vijeća Tešanj, nemaju pravo na bilo kakvu naknadu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

Broj: 01-45-1-90-3/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o radu Općinskog vijeća za 2025. godinu, donijelo sljedeći

ZAKLJUČAK

Usvaja se Izvještaj o radu Općinskog vijeća za 2025. godinu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

Broj: 01-45-1-90-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj Općinskog načelnika za 2025.godine, donijelo sljedeći

ZAKLJUČAK

Usvaja se Izvještaj Općinskog načelnika za 2025.godine.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

Broj: 01-45-2-143-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o radu Općinskog pravobranilaštva za 2025. godinu, donijelo sljedeći

ZAKLJUČAK

Usvaja se Izvještaj o radu Općinskog pravobranilaštva za 2025. godinu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

Broj: 01-07-9-Up-1-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o realizaciji Strategije razvoja općine Tešanj u 2025.godini, donijelo sljedeći

ZAKLJUČAK

Usvaja se Izvještaj o realizaciji Strategije razvoja općine Tešanj u 2025.godini.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

Broj: 01-45-1-72-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o realizaciji Plana kapitalnih investicija za 2025. godinu, donijelo sljedeći

ZAKLJUČAK

Usvaja se Izvještaj o realizaciji Plana kapitalnih investicija za 2025. godinu.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA
Amir Kurtić, s. r.

Broj: 01-45-1-930-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Informaciju o stanju u poljoprivredi i realizaciji Programa novčanih podsticaja u 2025.godini, donijelo sljedeći

ZAKLJUČAK

Prima se na znanje Informacija o stanju u poljoprivredi i realizaciji Programa novčanih podsticaja u 2025.godini.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Amir Kurtić, s. r.

Broj: 01-20-4-141-2/26

Datum: 30.01.2026. godine

Općinsko vijeće Tešanj je na svojoj 16. sjednici održanoj dana 29.01.2026. godine, razmatrajući Izvještaj o radu Općinskog vijeća za 2025. godinu, na prijedlog Općinskog načelnika, donijelo sljedeći

ZAKLJUČAK

Da se u Dnevni red 16.sjednice Općinskog vijeća uvrsti prijedlog Odluke o izmjeni Odluke o lokacijama groblja-mezarja na području općine Tešanj kao 11.tačka.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Amir Kurtić, s. r.

Broj: 01-02-1-253-3/26

Datum: 30.01.2026.godine

Na osnovu člana 25. stav 5. Zakona o prostornom planiranju i korištenju zemljišta na nivou Federacije BiH (Službene novine Federacije BiH broj: 2/06, 72/07, 32/08, 4/10), Člana 43. Zakona o prostornom uređenju i građenju Zeničko-dobojskog kantona ("Službene novine Ze-do kantona" broj: 17/23) i člana 28. Statuta Općine Tešanj ("Službeni glasnik Općine Tešanj", broj: 1/03 i 8/04), Općinski načelnik donosi:

RJEŠENJE

o imenovanju savjeta Regulacionog plana
"Centar" Jelah

I

Imenujem savjet Regulacionog plana "Centar" Jelah, u daljem tekstu savjet Plana, u sljedećem sastavu:

1. Nermina Bešliagić, stručni savjetnik, predsjednik savjeta
2. Nadir Medarić, pomoćnik ON, član i zamjenik predsjednika savjeta
3. Amel Karahmet, pomoćnik ON, član,
4. Azra Muslija, pomoćnik ON, član,
5. Ibrahimović Edin, direktor TRA, član,
6. Hojkurić Hamzalija, pomoćnik ON, član,
7. Handžić Hasan, direktor JP RAD, član,
8. Hrnjić Haris BH Telecom (TT i KTV infrastruktura), član,
9. Turkeš Izudin, dipl.ing.saobraćaja, član
10. Karamuratović Alija, direktor Elektrodistribucija, PJ Tešanj,
11. Unkić Mirza, dipl.oec, član
12. Srkalović Faruk
13. Mahmutović Milada, viši stručni saradnik, član,
14. Meškić Anis, viši stručni saradnik, član,
15. Bešliagić Dženan, viši stručni saradnik, član,
16. Kotorić Haris, sekretar savjeta.

II

Zadatak savjeta Plana je da pomaže nosiocu pripreme plana, daje mišljenje o primjedbama i sugestijama prikupljenim u toku komunikacija sa javnošću, prema programu uključivanja javnosti i u toku razmatranja nacрта odnosno prijedloga Regulacionog plana i učestvuje u ostalim aktivnostima.

III

Mandat savjeta Plana traje do usvajanja Regulacionog plana "Centar" Jelah.

IV

Rješenje stupa na snagu odmah a objavit će se u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 06-19-4-1106-12/24

Datum: 16.12.2025.godine

Na osnovu člana 12. Uredbe o pomoći u rješavanju stambenog pitanja branilaca i članova njihovih porodica („Sl. novine ZDK“ broj 1/25), Odluke o izvršavanju Budžeta Općine Tešanj za 2026. godinu („Sl. glasnik Općine Tešanj“ broj 12/25) i člana 30. Statuta Općine Tešanj („Sl. glasnik Općine Tešanj“ broj 11/07), Općinski načelnik donosi

RJEŠENJE

o imenovanju Komisije za rješavanje stambenog pitanja

I

Imenuje se Komisija za obradu zahtjeva za dodjelu pomoći Kantona i Općine za pomoć u rješavanju stambenog pitanja u 2026. godini u sljedećem sastavu:

1. Almira Prnjavorac, dipl. ing. saobraćaja, predsjedavajuća,
2. Hamza Aličić, dipl. politolog, voditelj postupka, i
3. Nusret Plančić, penzionisani oficir, predstavnik boračke populacije

II

Jednokratna novčana pomoć Kantona za stambena pitanja branilaca i nj porodica, uključuje pomoć za izgradnju stambenog objekta, za kupovinu stambenog objekta ili stana, za prilagođavanje

stambenog objekta RVI, za sufinansiranje dozvola za stambeni objekat i za sufinansiranje priključaka. Zadatak Komisije je da sukladno Uredbi razmotri svaki pojedinačni zahtjev, izvrši uvid u priloženu dokumentaciju te po potrebi traži dopunu iste, izvrši uvid na licu mjesta, sačini zapisnik o utvrđenom stanju i opravdanosti zahtjeva, te uputi prijedlog o odbacivanju, odbijanju ili odobravanju zahtjeva sa prijedlogom sredstava iz Budžeta Kantona koji ne prelazi 5.000,00 KM.

U realizaciji pomoći iz Budžeta Općine za sanaciju i adaptaciju stambenih prostora socijalno ugroženih lica i boračkih populacija, Komisija će izvrši pregled i ocjenu zahtjeva te u skladu sa stanjem na terenu sačini zapisnik i prijedlog visine pomoći. Komisija će kod opravdanosti zahtjeva da cijeni specifične i posebne okolnosti postojećeg stanja i potrebe za rješavanjem stambene ugroženosti podnosioca zahtjeva i članova njegovog domaćinstva.

III

Komisija ima pravo na naknadu koja će se odrediti po dostavljenim izvještajima.

Rješenje stupa na snagu danom donošenja, a objavit će se u "Službenom glasniku" Općine Tešanj.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 08-37-3-40/26

Datum: 08.01.2026. godine

Na osnovu člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik donosi

RJEŠENJE

o imenovanju Programskog savjeta za obilježavanje općinskih praznika u 2026. godini

I

Imenuju se članovi Programskog savjeta za obilježavanje općinskih praznika u 2026. godini:

1. Azra Muslija, predsjednik
2. Amir Brka, član
3. Osmo Hurić, član
4. Mensura Mujkanović, član i
5. Sedin Bedak, član

II

Poslovi Programskog savjeta su:

izvršiti ocjenu kvaliteta sadržaja kandidiranih za općinske manifestacije;

razmotriti uzajamni odnos kandidiranih sadržaja s obzirom na cjelinu programa, tendirajući ka njegovoj raznovrsnosti i primjerenosti svakoj od manifestacija;

razmotriti mogućnost realizacije kandidiranih sadržaja s obzirom na potrebna finansijska sredstva i druge resurse;

program obilježavanja usaglasiti sa zainteresovanim stranama (udruženja boračkih populacija, škole, ustanove i dr.);

uobličiti prijedlog konačnog programa i dostaviti ga Općinskom načelniku na verifikaciju najkasnije 20 dana prije datuma obilježavanja otvorenja manifestacije;

u kalendarskoj 2026. godini planirati i pripremati sadržaje prijedloga programa za obilježavanje državnih i općinskih praznika (koordinacija direktora JU kulture) uz obavezu dostave prijedloga Općinskom načelniku na verifikaciju na početku kalendarske godine.

III

Rješenje se primjenjuje danom donošenja i objavit će se u "Službenom glasniku općine Tešanj".

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj:03-36-3-140/26

Datum: 19.01.2026.godine

Na osnovu člana 44. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10 i 111/12), u skladu sa odredbama Odluke o organizaciji općinske uprave, odredbama Odluke o

utvrđivanju platnih razreda i koeficijenata Općine Tešanj i Općinskog pravobranilaštva ("Službeni glasnik Općine Tešanj", broj 6/15), Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj broj 02-02-1-1615-15/15 od 4.4.2022 godine i člana 30. Statuta Općine Tešanj ("Službeni glasnik općine Tešanj" broj 11/07), Općinski načelnik donosi

P R A V I L N I K

o izmjenama i dopunama Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj

Član 1.

Član 4a. stav 1. Pravilnika se mijenja i glasi:

„Osnovna plaća utvrđuje se množenjem osnovice za plaću iz člana 4. stav 1. i boda za obračun plaće sa utvrđenim koeficijentom platnog razreda i tako utvrđeni iznos uvećava se za 0,6% za svaku započetu godinu penzijskog staža uposlenika, a najviše do 24%.“

Član 2.

Član 8. Pravilnika se mijenja i glasi:

„Uposleniku će se osnovna plaća uvećati za :

- noćni rad - 35% neto satnice,
- prekovremeni rad – *najmanje* 50% neto satnice,
- rad u dane sedmičnog odmora – *najmanje* 30% neto satnice i
- rad u dane praznika koji su po zakonu državni praznici - *najmanje* 50% neto satnice

Naknade odnosno uvećanja plaće iz stava 1. ovog člana ostvaruju se donošenjem rješenja ili naloga u kome će biti precizno naznačeni vrsta poslova, period obavljanja poslova i broj izvršioca poslova. Obračun naknade iz prethodnog stava ovog člana vrši se od osnovne plaće bez dijela plaće po osnovu penzijskog staža.

Naknada iz ovog člana čini sastavni dio plaće.“

Član 3.

Ostale odredbe Pravilnika ostaju nepromijenjene.

Član 4.

Ovaj Pravilnik se primjenjuje od dana donošenja.

**OPĆINA TEŠANJ
OPĆINSKO VIJEĆE****OPĆINSKI NAČELNIK
Suad Huskić, s.r.****Broj: 02-02-1-1615-16/15****Datum: 25.12.2025 godine**

Na osnovu člana 10. Odluke o organizaciji i načinu obavljanja taksiprevoza putnika na području Zeničko-dobojskog kantona («Sl novine Zeničko-dobojskog kantona», broj: 10/19 i 25/24), Općinski načelnik
d o n o s i

P R A V I L N I K
o načinu korištenja, redu i radu na
taksistajalištima, rasporedu taksivozila na
taksistajalištima i kriterijima za raspored
taksivozila na taksistajalištima na području
općine Tešanj

I OPŠTE ODREDBE**Član 1.**

Ovim pravilnikom uređuje se:

- način korištenja, red i rad na taksistajalištima,
- raspored taksivozila na taksistajalištima i kriteriji za raspored taksivozila na slobodnim taksistajalištima,
- prijelazne i završne odredbe.

**II NAČIN KORIŠTENJA, RED I RAD NA
TAKSISTAJALIŠTIMA****Član 2.**

Taksistajalište je propisno uređena i označena površina gdje se zadržavaju taksivozila i to po redu dolaska u cilju prijema narudžbi i prijevoza putnika po redoslijedu.

Taksistajališta mogu koristiti samo taksivozila koja su raspoređena na ista.

Član 3.

Nadležna općinska služba obavezna je propisati način korištenja taksistajališta tako što će svojim rješenjem dozvoliti i izvršiti prijenos prava

korištenja rasporeda na taksistajalištima, u sljedećim slučajevima:

a) u slučaju trajnog prestanka rada taksiprijevoznika - fizičkog lica (smrt) na člana uže porodice koji

ispunjava uslove za obavljanje taksiprijevoza (bračni drug, djeca rođena u braku i van braka, usvojena i pastorki, bračni drug djece, roditelji i roditelji bračnih drugova, očuh, maćeha i usvojilac, braća, sestre i unučad), a što se dokazuje na osnovu zaključenog ugovora ovjerenog kod nadležnog organa između fizičkih lica, svih nasljednika umrlog, koja prenose i fizičkog lica iz stava (1) tačka a) ovog člana na koje se prenosi pravo na raspored taksivozila na taksistajalište, a koji ugovor obavezno mora da sadrži tačan naziv i broj taksistajališta, te broj stajališnog mjesta za koje se vrši prijenos. Ukoliko u roku od 6 (šest) mjeseci od dana donošenja rješenja o trajnoj odjavi zbog smrti, ne zaprimi zahtjev za dozvolu i izvršavanje prijenosa prava korištenja rasporeda na taksistajalištima, nadležna općinska služba će stajališno mjesto proglasiti slobodnim i raspored taksivozila na isto izvršiti u skladu sa članom 13. stav (5) ovog Pravilnika.

b) u slučaju trajnog prestanka rada taksiprijevoznika - fizičko lice (penzionisanje i trajna odjava) u bilo

kojem periodu na člana uže porodice koji ispunjava uslove za obavljanje taksiprijevoza (bračni drug, djeca rođena u braku i van braka, usvojena i pastorki, bračni drug djece, roditelji i roditelji bračnih drugova, očuh, maćeha i usvojilac, braća, sestre i unučad), a što se dokazuje na osnovu zaključenog ugovora ovjerenog kod nadležnog organa, između fizičkog lica, koje trajno prestaje sa radom (penzionisanje i trajna odjava), koje prenosi pravo i fizičkog lica iz stava 1 tačka b) ovog člana na koje se prenosi pravo na raspored taksivozila na taksistajalište, a koji ugovor obavezno mora da sadrži tačan naziv i broj taksistajališta, te broj stajališnog mjesta za koje se vrši prijenos. Ukoliko u roku od 2 (dva) mjeseca od dana donošenja rješenja o trajnoj odjavi zbog penzionisanja ili iz drugih razloga, ne zaprimi zahtjev za dozvolu i izvršavanje prijenosa prava korištenja rasporeda na taksistajalištima, nadležna općinska služba će stajališno mjesto proglasiti slobodnim i raspored taksivozila na isto izvršiti u skladu sa članom 13. stav (5) ovog Pravilnika.

c) sa dva fizička lica koja imaju utvrđen raspored taksivozila na taksistajalištu na neko drugo fizičko lice koje ispunjava uslove za obavljanje taksiprijevoza, po principu dva za jedan, a što se dokazuje na osnovu zaključenog ugovora ovjerenog kod nadležnog organa koji obavezno mora da sadrži tačan naziv i broj taksistajališta, te broj stajališnog mjesta za koje se vrši prijenos. Zaključen ugovor potrebno je prijaviti nadležnoj općinskoj službi najkasnije u roku od mjesec dana na dalje postupanje.

Drugo oslobođeno taksistajalište iz stava 1 tačka c) ovog člana postaje slobodno taksistajalište i raspored taksivozila na isto se vrši u skladu sa članom 13. stav (5) Pravilnika.

Taksiprijevoznik čije je pravo na raspored taksivozila na taksistajalište preneseno u slučaju iz stava 1 tačke b) i c) ovog člana gubi trajno pravo na raspoređivanje na taksistajališta na području Zeničko-dobojskog kantona.

Član 4.

Uređenje i održavanje taksistajališta vrši Služba za finansije, privredu, komunalne i inspeksijske poslove Općine Tešanj.

Za upotrebu i korištenje taksistajališta na javnim površinama plaća se godišnja naknada čiju visinu određuje Općinsko vijeće Tešanj.

Naplatu godišnje naknade vrši Služba za finansije, privredu, komunalne i inspeksijske poslove Općine Tešanj.

Sredstva prikupljena od naknada namjenski se koriste za uređenje i održavanje taksistajališta, te unaprijeđenje taksi djelatnosti.

Dokaz o uplati godišnje naknade dostavlja se prilikom podnošenja zahtjeva za izdavanje dopunske taksioznake.

Član 5.

Taksivozač prima putnike za prijevoz na taksistajalištu na koje je raspoređen po redoslijedu pristizanja na isto.

Na taksistajalište ne smiju se parkirati druga vozila.

Na taksistajalištu ne smije stajati više taksivozila nego što ima obilježjenih mjesta.

Član 6.

Prijem putnika na prijevoz vrši taksivozač čije se vozilo nalazi na prvom mjestu taksistajališta.

Odlaskom jednog ili više taksivozila, druga vozila se pomjeraju na upražnjena mjesta istim redoslijedom kojim su pristigla na taksistajalište.

Izuzetno, ukoliko putnik ima posebne zahtjeve, u pogledu urednosti i komfora vozila, može zatražiti uslugu i od taksivozača čije vozilo nije na prvom mjestu taksistajališta.

Član 7.

Na taksistajalištu je zabranjeno stvaranje buke pojačanim radom motora vozila, upotrebom sirena, upotrebom uređaja i aparata za reprodukciju muzike i svih drugih uređaja koji stvaraju buku.

Na taksistajalištu nije dozvoljeno pranje vozila, bacanje otpadaka i čišćenje pepeljara.

Član 8.

Za vrijeme dok je taksivozilo parkirano na taksistajalištu, zbog efikasnijeg pružanja usluga, taksivozač je dužan biti u taksivozilu ili pored taksivozila.

Član 9.

Taksivozilo na taksistajalištu mora biti čisto i uredno, a taksivozač uredno i prikladno odjeven, uljudno se odnositi prema putnicima i ne smije pušiti u vozilu.

Član 10.

Na taksistajalištu zabranjeno je konzumiranje alkohola, opojnih sredstava i kartanje.

Član 11.

Taksivozač je obavezan prijem putnika na taksistajalištu vršiti sa pažnjom i poštovanjem, te pružiti pomoć starim i nemoćnim osobama.

Član 12.

Radno vrijeme na taksistajalištu je od 00,00-24,00 sata.

III RASPORED TAKSIVOZILA NA TAKSISTAJALIŠTIMA I KRITERIJI ZA RASPORED TAKSIVOZILA NA TAKSISTAJALIŠTIMA

Član 13.

Broj vozila za koja se vrši raspored na taksistajališta utvrđen je aktom Službe za finansije, privredu, komunalne i inspeksijske poslove Općine Tešanj iz člana 9. Odluke o organizaciji i načinu obavljanja

taksiprijevoza putnika na području Zeničko-dobojskog kantona.

Na taksistajalište se ne može rasporediti više vozila nego što je određeno aktom iz stava 1. ovog člana.

Raspored taksivozila na taksistajalištima i kriterije za raspored taksivozila na slobodna taksistajališta utvrđuje Služba za finansije, privredu, komunalne i inspeksijske poslove Općine Tešanj.

Taksi prijevoznik koji ima utvrđen raspored taksivozila na taksistajalištima za jedno ili više vozila, pravo na utvrđeni raspored taksivozila na taksistajalištima zadržava sve do nastanka slučajeva iz člana 19. ovog Pravilnika.

Postupak raspoređivanja taksivozila na slobodnim taksistajalištima pokreće se Javnim pozivom za prikupljanje zahtjeva za raspored taksivozila na slobodnim taksistajalištima koji raspisuje Služba za finansije, privredu, komunalne i inspeksijske poslove Općine Tešanj u septembru tekuće godine za narednu godinu.

Taksiprijevoznik koji ima utvrđen raspored za jedno ili više taksivozila ne može se prijaviti na Javni poziv za raspored taksi vozila na slobodnim taksistajalištima sa vozilima za koja mu je već utvrđen raspored.

Provođenje postupka rasporeda taksivozila na slobodnim taksistajalištima putem javnog poziva vrši Komisija u sastavu od 3 člana koju imenuje Općinski načelnik.

Po okončanju roka za podnošenje zahtjeva iz javnog poziva Komisija podnosiocima zahtjeva obavještava o mjestu i datumu javnog otvaranja koverata.

Služba za finansije, privredu, komunalne i inspeksijske poslove Općine Tešanj je dužna Komisiji dostaviti sva važeća rješenja o privremenoj odjavi obavljanja djelatnosti taksiprijevoza najkasnije na dan javnog otvaranja koverata.

Javni poziv se objavljuje u službenom glasniku Općine Tešanj, na službenoj web stranici Općine Tešanj i u jednom dnevnom listu.

Javni poziv sadrži:

- naziv taksistajališta, kategoriju i broj slobodnih stajališnih mjesta za raspored taksivozila,

- dokumentaciju koja se prilaže uz zahtjev za raspored taksivozila na slobodnim taksistajalištima,
- vremenski period na koji se dodjeljuje raspored taksivozila na slobodnim taksistajalištima,
- iznos naknade za upotrebu i korištenje taksistajališta,
- rok za podnošenje zahtjeva,
- naziv organa kojem se podnosi zahtjev,
- način dostavljanja zahtjeva,
- obrazac zahtjeva za raspored taksivozila na slobodnim taksistajalištima.

Obrazac zahtjeva za raspored taksivozila na slobodnim taksistajalištima dat je u prilogu ovog Pravilnika i čini njegov sastavni dio.

Zahtjev sa propisanom dokumentacijom dostavlja se Komisiji za provođenje javnog poziva u zatvorenoj koverti sa naznakom „OTVARA KOMISIJA“.

Ukoliko na području Općine Tešanj dođe do ukidanja određenih taksistajališta, taksivozila raspoređena na istim bit će raspoređena na drugo taksistajalište iste kategorije do raspisivanja Javnog poziva na slobodnim taksistajalištima.

Član 14.

Podnosilac zahtjeva za raspored taksivozila na slobodnim taksistajalištima mora ispunjavati sljedeće uslove:

1. Da posjeduje profesionalnu osposobljenost koja podrazumijeva:

- da je registrovan za obavljanje djelatnosti taksiprijevoza i da mu je to osnovna djelatnost,
- da podnosilac zahtjeva-pravno lice zapošljava vozače koji imaju položen poseban ispit za taksivozača na području Zeničko-dobojskog kantona (broj vozača mora biti veći ili jednak broju vozila za koja se, u zahtjevu, traži raspored na taksistajališta),
- da podnosilac zahtjeva-fizičko lice koje je nosilac odobrenja za obavljanje djelatnosti taksiprijevoza, a koje u zahtjevu traži raspored za dva vozila, zapošljava još minimalno jednog vozača koji ima položen poseban ispit za taksivozača na području Zeničko-dobojskog kantona.

2. Da ima sjedište/prebivalište na području općine Tešanj,

3. Da uredno izmiruje obaveze u pogledu plaćanja javnih prihoda,

4. Da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok ta mjera traje.

Dokumentacija kojom podnosilac zahtjeva za raspored taksivozila na slobodnim taksistajalištima dokazuje ispunjavanje uslova iz stava 1. ovog člana:

1. Pravna lica

- Aktuelni izvod iz sudskog registra i obavještenje Federalnog zavoda za statistiku o razvrstavanju djelatnosti,
- Prijava penzijsko-invalidskog osiguranja i uvjerenje o položenom posebnom ispitu za taksivozača za uposlene vozače,
- Uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama,
- Uvjerenje nadležnog suda da u posljednoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06, 2/10, 57/20 i 44/22) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

2. Fizička lica

- Važeće rješenje/odobrenje za obavljanje taksiprijevoza,
- Potvrda nadležnog organa o prebivalištu na području općine Tešanj,
- Uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama,
- Uvjerenje nadležnog suda da u posljednoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06, 2/10, 57/20 i 44/22) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

Izuzetno, pored navedene dokumentacije, fizičko lice koje podnosi zahtjev za raspored dva vozila na slobodnim taksistajalištima kao i fizičko lice koje ima već utvrđen raspored za jedno vozilo a podnosi zahtjev za raspored drugog vozila na slobodnim taksistajalištima dužno je za uposlenog vozača dostaviti prijavu penzijsko-invalidskog osiguranja i uvjerenje o položenom posebnom ispitu za taksivozača.

Neblagovremene, kao i nepotpune zahtjeve Komisija neće razmatrati nego će ih svojim rješenjem odbaciti.

Član 15.

Kriteriji za raspored taksivozila na slobodnim taksistajalištima su:

1. registrovana djelatnost taksiprijevoza kao osnovna djelatnost,
2. dužina vremenskog perioda u mjesecima od dana registracije djelatnosti taksiprijevoza kao osnovne djelatnosti do dana objave javnog poziva,
3. dužina trajanja privremene odjave djelatnosti taksiprijevoza (osim odjave u slučaju bolesti, nastupa više sile i porodijskog dopusta), u mjesecima, u periodu za koji se vrši raspored,
4. broj vozila za koja se traži raspored na taksistajališta,
5. prioritet za raspored taksivozila na slobodnim taksistajalištima.

Prvi korak u postupku raspoređivanja taksivozila na slobodnim taksistajalištima je formiranje Osnovne rang liste pravnih i fizičkih lica, a redoslijed na rang listi se utvrđuje na osnovu bodova po kriterijima iz stava 1. tačka 1., 2., 3. i 4. ovog člana.

Utvrđivanje bodova po kriterijima iz stava 1. tačka 1., 2., 3. i 4. ovog člana vrši se na sljedeći način:

1. registrovana djelatnost taksiprijevoza kao osnovna djelatnost
(rješenje izdato od strane nadležne službe Općine Tešanj) ... 95 bodova,
2. dužina vremenskog perioda u mjesecima od dana registracije djelatnosti taksiprijevoza kao osnovne djelatnosti do dana objave javnog poziva, za jedan mjesec0,01 bodova,
(boduje se mjesec u kojem je doneseno važeće rješenje kao i mjesec u kojem je raspisan javni poziv),

3. dužina vremenskog perioda privremene odjave djelatnosti taksiprijevoza (osim odjave u slučaju bolesti, nastupa više sile i porodijskog dopusta), u mjesecima, u periodu za koji se vrši raspored, za jedan mjesec -0,5 bodova,

(boduje se mjesec u kojem počinje odjava rada kao i mjesec u kojem prestaje odjava rada).

4. Ukoliko podnosilac zahtjeva traži raspored na slobodnim taksistajalištima za više vozila isti će se upisati na Osnovnu rang listu onoliko puta koliko je vozila za koja traži raspored na način:

- poziciju podnosioca zahtjeva na Osnovnoj rang listi za prvo vozilo određuje broj bodova utvrđen prema kriterijima iz tačke 1., 2. i 3. ovog stava,
- poziciju podnosioca zahtjeva na Osnovnoj rang listi za drugo vozilo određuje broj bodova utvrđen prema kriterijima iz tačke 1., 2. i 3. ovog stava umanjen za 5 bodova, za treće vozilo umanjen za 10 bodova, za četvrto umanjen za 15 bodova itd.

Ukoliko dva ili više podnosioca zahtjeva imaju isti broj bodova prednost na listi će odrediti stariji datum registracije djelatnosti taksiprijevoza kao osnovne djelatnosti.

Drugi korak u postupku raspoređivanja taksivozila na slobodnim taksistajalištima je formiranje rang listi za svako stajalište iz javnog poziva, a redoslijed na rang listi za taksistajalište se utvrđuje na osnovu bodova iz Osnovne rang liste uz korekciju po kriteriju iz stava 1. tačka 5. ovog člana.

Utvrđivanje bodova, uz korekciju po kriteriju iz stava 1. tačka 5. ovog člana, vrši se na sljedeći način:

- za raspored taksivozila u 1. prioritetu uzima se broj bodova iz Osnovne rang liste bez korekcije,
- za raspored taksivozila u 2. i svakom narednom prioritetu broj bodova iz Osnovne rang liste umanjuje se za dodatnih 5 bodova u odnosu na broj bodova utvrđenih za prethodni prioritet.

Ukoliko se na javni poziv za raspored taksivozila na slobodna taksistajališta prijavi taksiprijevoznik koji ima već utvrđen raspored za jedno ili više vozila bodovanje će se vršiti na sljedeći način:

Za prvo prijavljeno vozilo broj bodova se dobije tako što se broj bodova za to vozilo sa Osnovne rang liste umanjuje za broj koji se dobije množenjem broja već raspoređenih vozila sa brojem 5, za drugo prijavljeno vozilo utvrđeni broj bodova za prvo prijavljeno vozilo umanjuje se za 5 bodova, za treće prijavljeno vozilo umanjuje se za 10 bodova, za četvrto prijavljeno vozilo umanjuje se za 15 bodova itd.

Formiranje rang listi za svako slobodno taksistajalište se vrši na način da se za svako stajalište prvo uzimaju zahtjevi za raspored vozila u 1. prioritetu tako što se podnosioci zahtjeva za raspored vozila upisuju redom prema broju bodova iz Osnovne rang liste.

Ukoliko je za određeno slobodno taksistajalište broj vozila po zahtjevima u prvom prioritetu manji od broja stajališnih mjesta iz javnog poziva, popunjavanje slobodnih mjesta vršiće se po zahtjevima za raspored vozila u 2., zatim u 3., 4. itd. prioritetu, a rangiranje prema broju bodova iz Osnovne rang liste uz korekciju iz stava 6. tačka 2. ovog člana.

Podnosioci zahtjeva čija vozila na određenom taksistajalištu nisu raspoređena po zahtjevu u 1. prioritetu upisuju se na rang liste drugih slobodnih taksistajališta, na kojima, nakon raspoređivanja u prvom prioritetu nisu popunjena sva stajališna mjesta iz javnog poziva, ukoliko su na ista podnijeli zahtjev za raspored taksivozila u 2., 3., 4. itd. prioritetu, a rangiranje se vrši prema broju bodova iz Osnovne rang liste uz korekciju iz stava 6. tačka 2. ovog člana.

Ukoliko na određeno slobodno taksistajalište iz javnog poziva nije bilo zahtjeva za raspored vozila ili je broj zahtjeva za raspored vozila u svim prioritetima za to taksistajalište manji od broja stajališnih mjesta iz javnog poziva, na to taksistajalište, odnosno na slobodna mjesta tog taksistajališta, će se rasporediti vozila podnosioca zahtjeva koja su u postupku raspoređivanja po proceduri iz ovog člana ostala neraspoređena, a rangiranje će se vršiti na osnovu bodova iz Osnovne rang liste.

Član 16.

Nakon provedenog postupka iz člana 15. Ovog pravilnika Komisija utvrđuje Preliminarnu rang listu rasporeda taksi vozila za svako slobodno

taksistajalište iz javnog poziva i istu objavljuje na web stranici i oglasnoj ploči Općine Tešanj.

Na objavljenu Preliminarnu rang listu podnosioci zahtjeva mogu podnijeti prigovor Službi za finansije, privredu, komunalne i inspeksijske poslove Općine Tešanj u roku od 8 dana od dana objavljivanja iste.

Po prigovorima podnosioca zahtjeva Služba će donijeti rješenja u roku od 15 dana, nakon čega rješenjem utvrđuje Listu o rasporedu taksivozila na slobodnim taksistajalištima.

Na rješenje iz stava 3. Ovog člana dozvoljena je žalba Ministarstvu za prostorno uređenje, promet i komunikaciju i zaštitu okoline Zeničko-dobojskog kantona u roku od 15 dana.

Nakon okončanja žalbenog postupka iz stava 4. ovog člana Služba utvrđuje Konačnu listu rasporeda taksivozila na slobodnim taksistajalištima.

Konačan raspored taksivozila na taksistajalištima općine čine raspoređena taksivozila iz stava 5. ovog člana, raspoređena taksivozila iz stava 4. člana 13. raspoređena taksivozila iz člana 3. ovog Pravilnika.

Član 17.

Utvrđeni raspored taksivozila na taksistajalištima za tekuću godinu primjenjivat će se do utvrđivanja rasporeda taksivozila na taksistajalištima za narednu godinu.

Član 18.

U slučaju pojave slobodnih stajališnih mjesta na taksistajalištima u toku godine za koju je izvršen raspored, na slobodna mjesta raspoređiće se, po redoslijedu sa Konačne liste iz člana 16. stav 5. Pravilnika, neraspoređena vozila bez objave javnog poziva.

Ukoliko je broj taksivozila za raspored na taksistajalištima na Osnovnoj rang listi manji od broja određenog u aktu iz člana 9. Odluke o organizaciji i načinu obavljanja taksiprijevoza putnika na području Zeničko-dobojskog kantona, raspoređivanje taksivozila na slobodna mjesta, u toku godine za koju je izvršen raspored vrši se bez javnog poziva po redoslijedu pristizanja zahtjeva uz dostavljanje dokaza o ispunjavanju uslova iz člana 14. ovog Pravilnika.

Član 19.

Pravo na raspored taksivozila na taksistajalište prestaje:

- ukoliko se u roku od mjesec dana od dana raspoređivanja taksivozila na taksistajalište ne pribavi dopunska taksioznaka,
- u slučaju trajne odjave obavljanja djelatnosti taksiprijevoza,
- u slučaju privremene odjave obavljanja djelatnosti taksiprijevoza na period dok odjava traje,
- u slučaju prestanka važenja licence za taksiprijevoz.

Prestankom prava na raspored, u slučajevima iz stava 1. ovog člana, dolazi do pojave slobodnih mjesta na taksistajalištima koja se popunjavaju na način propisan u članu 18. stav 1. ovog Pravilnika.

IV PRIJELAZNE I ZAVRŠNE ODREDBE

Član 20.

Na pitanja koja nisu uređena ovim pravilnikom primjenjivat će se odredbe zakona i podzakonskih akata koji regulišu predmetnu oblast.

Član 21.

Danom stupanja na snagu ovog Pravilnika stavlja se van snage Pravilnik o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području općine Tešanj, ("Službeni glasnik Općine Tešanj" broj: 1/17, 4/18, 5/19, 7/23).

Član 22.

Ovaj pravilnik stupa na snagu danom davanja saglasnosti Ministarstva za prostorno uređenje, promet i komunikacije i zaštitu okoline Zeničko-dobojskog kantona i bit će objavljen u «Službenom glasniku općine Tešanj».

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-02-1-239/25

Datum: 24.03.2025. godine

S A D R Ź A J

<u>I - AKTI OPĆINSKOG VIJEĆA</u>	Strana
1. Odluka o odobravanju kreditnog zaduženja JP Rad d.d. Tešanj i davanju garancije Općine za kreditno zaduženje kod Razvojne banke Federacije BiH	1
2. Odluka o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH	2
3. Odluka o izmjenama i dopunama Budžeta Općine Tešanj za 2026. godinu	3
4. Odluka o izmjeni Odluke o lokaciama groblja/mezarja na području općine Tešanj	3
5. Zaključak o Informaciji o stanju bezbjednosti na području općine na području općine Tešanj za 2025. godinu	4
6. Zaključak na prijedlog vijećnika Dujsić Amira_preventivno testiranje	4
7. Zaključak_vijećnika Handžić Hasana_dopuna Izvještaja	4
8. Zaključak vijećnika Rošić Jakuba_dopuna Odluke o naknadama	5
9. Zaključak o Izvještaju o radu Općinskog vijeća za 2025. godinu	5
10. Zaključak o Izvještaju Općinskog načelnika za 2025.godine	5
11. Zaključak o Izvještaju o radu Općinskog pravobranilaštva za 2025. godinu	5
12. Zaključak o Izvještaju o realizaciji Strategije razvoja općine Tešanj u 2025.godini	5
13. Zaključak o Izvještaju o realizaciji Plana kapitalnih investicija za 2025. godinu	6
14. Zaključak o Informaciji o stanju u poljoprivredi i realizaciji Programa novčanih podsticaja u 2025. godini	6
15. Zaključako dopuni Dnevnog reda_prijedlog Općinskog načelnika	6
<u>II - AKTI OPĆINSKOG NAČELNIKA</u>	
1. Rješenje o imenovanju savjeta Regulacionog plana "Centar" Jelah	6
2. Rješenje o imenovanju Komisije za rješavanje stambenog pitanja	7
3. Rješenje o imenovanju Programskog savjeta za obilježavanje općinskih praznika u 2026. godini	7
4. Pravilnik o izmjenama i dopunama Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj	8
5. Pravilnik o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored	9